

福建府縣志輯

中國地方志集成

光緒續修浦城縣志

中國地方志集成

福建府縣志輯⑦

光緒續修浦城縣志

上海書店 ● 巴蜀書社 ● 江蘇古籍出版社

圖書在版編目(CIP)數據

中國地方志集成. 福建府縣志輯. 7, 光緒續修浦城縣志 / 上海書店出版社編. - 上海: 上海書店出版社, 2000. 10

ISBN 7-80622-424-6

I. 中... II. 上... III. ①地方志-中國②地方志-福建-浦城縣 IV. K29

中國版本圖書館 CIP 數據核字 (2000) 第 27764 號

續修浦城縣志序

木村 重

浦邑之有志書舊已遠者不可攷近則明成化萬曆

國朝順治之志亦湮沒無存惟乾隆癸亥嘉慶辛未所修薦紳家閒有藏本自嘉慶迄今又將

續修浦城縣志

序

一

及百年矣其間風土之變遷人事之代謝制度文爲之因革損益弗有紀載其何以傳乙未春予宰斯土甫下車繕完城郭填治道塗集款萬餘金十閱月事歲存五千餘金諸君子以續修

志書爲請予以是期諸君子諸

君子亦以是期予也自維非撰述才而浦地當閩浙豫三省之衝錢穀簿書郵驛送迎又日不暇給心滋疚矣爰聘崇安翁安宇孝廉主書院講席操特筆焉

續修浦城縣志

序

二

汝南月旦之評將於是乎在若相助爲理諸君子分任之不敢辭纂輯未就予調南安呂文起直刺來攝是篆引爲已任日與諸君子揚推古今徼循羣雅蓋所釐定者爲尤多庚子予回任

滿全書告成則是呂君之大有
造於浦而旁施及予也是書體
例悉仍其舊閒有竄易數條亦
引證羣書折衷一是其嘉慶辛
未以來之規制科目人物藝文
等類增附於各門之後示不敢

續修浦城縣志

翁序

三

存是今非古之意而必遲之三
年而始成者則因咸豐戊午賊
氛陷城蔓延而莫可遏忠臣孝
子烈士壯夫之奮而鬪鬪而死
者以千百計蹈水火撓鋒鏑者
以千萬計烈婦貞女完節捐軀

者尤指不勝屈已得卹典固有
事蹟可稽若窮鄉僻壤姓名埋
沒於荒煙蔓草閒自非博採備
登其何以慰忠魂伸義憤耶此
又採訪之不厭詳求而非珥筆
者之玩愒時日也余維思古者

續修浦城縣志

翁序

四

輶軒有採下逮於芻蕘間左有
書上登於天府江文通嘗言修
史之難莫出於志誠以紀之失
實其弊也誣言之無文其行不
遠我浦人才薈萃涵育於考亭
西山兩夫子者深而復借才異

地參酌異同蔚爲善本固邑人之幸亦邑宰之光也但殘缺九十餘年故老無存遺文莫考於鄉閭繁瑣節目或不無滲漏貽譏然謹循乎甯闕毋濫之規實非有心棄取後之視今猶今之

續修浦城縣志

翁序

五

視昔高明君子其以鄙論爲何如

光緒二十六年五月

知浦城縣事粵東翁天祐序



續修浦城縣志序

郡邑志之作蓋出於周禮地官土訓誦訓之職所謂道地圖地志以詔事辨物者固後世輿地家言之權輿也自宋以來宇內郡邑咸有圖志元明而降著錄尤衆於以稽覈方域咨辨掌故庶事畢具三長兼賅而官斯土者披攬編籍足以徵利害考興廢剴繁理劇類多藉手於是則地理專家通於政書矣宋代邑志之傳於今者惟楊潛雲間志

續修浦城縣志

呂序

一

邊寶玉峯志數家率皆詳雅有
法至明而韓五泉之朝邑志康
對山之武功志煊赫藝林推爲
絕作顧地志之佳固在纂述者
學識之精博要亦由其都邑繁
劇賢達蔚盛斯文獻綜萃尤易

續修浦城縣志

呂序

二

爲綴緝耳使遐陬僻壤風俗樸
僊雖有五泉對山之文亦豈能
發其光耀哉浦城爲閩中名邑
山川雄深士女雅淑自漢以來
文治大興逮宋而西山蔚爲一
代儒宗餘芳薰播千載未沫以

視宋之雲間玉峯明之朝邑武
功殆遠過之矣舊志創於明咸
化間自萬厯以迄

國朝三經修輯不無疏畧嘉慶
間祖舫齋梁芷隣朱清如諸老
重爲甄述最爲善本迄今近百

續修浦城縣志

呂序

三

年久未賡續茲者邑人開局重
修成書四十二卷余於己亥春
攝篆斯邑適觀厥成披覽稿本
雅潔翔實足資攷證芷隣先生
序前志所謂事增於前文富於
舊者殆庶幾焉抑余又聞之宋

淳熙間梁丞相克家修三山志
時吾鄉止齋陳先生方爲屬僚
實佐編纂之役義例精審多出
其手陳直齋書錄解題盛稱之
余忝生長止齋故里今綰綬茲
邑而斯志適有成書先後同符

續修浦城縣志

呂序

四

竊用自幸惟是抗塵走俗學識
謏陋未窺止齋之萬一於斯志
之成亦未能有所裨助斯則撫
卷思古彌增慚慙者矣

光緒二十五年十月

永嘉呂渭英叙



續修浦城縣志序

浦邑有志人以爲始自前明成化竊謂不然粵
稽天下名郡望邑其志乘多權輿於兩宋浦城
在宋聲明文物方駕中州真文忠公嘗謂有宋
南方人物之盛實始於浦城遐想邑志之作當
在其時非臆斷也觀胡教諭成化志敘謂邑志
脫落百有餘年則前此早有紀載鑒然可據矣
成化距宋不過二百年可知宋元之際典冊具
存第元季明初纂述乏人寢至殘缺成化時縱
無所見當必確有所聞惟創自何代作自何人
惜敘文過畧不復更贅一詞遂使前人著述源
流後人罔所考證得非載筆者蔑古之過耶自
時厥後萬厯己酉

續修浦城縣志

翁序

一

國朝順治庚寅乾隆癸亥嘉慶辛未四經重修
今所存者惟乾隆嘉慶兩志乾隆李志承訛襲
謬缺畧猶多嘉慶黃志經祖舛齋朱清如梁芷
隣三先生商榷參訂辨譌糾誤補缺拾遺博洽
精詳獨臻完善蓋邑志自是始有善本後有作

者可以無俟改訂矣然既往雖詳方來未續辛未迄今九十餘年其有待於附益者不勝俛指且咸豐戊午之變忠義節烈之事足垂不朽者尤當大書特書不一書及今不亟爲之搜輯表章再閱數十寒暑竊恐所見所聞所傳聞不免將疑將信若存若亡必漸歸於湮淪漸滅斯固居是邦者官師士夫之責也是以續修之議一人提倡莫不同聲相應其意蓋皆趨重乎此

邑侯翁應侯司馬莅浦三年修城工竣靡廢不

續修浦城縣志

翁序

二

舉尤以閩幽彰隱爲已任乃進邑中文學之士擇精任當延羅捷三孝廉應聚五明經及知名諸生等分授以蒐輯之事而自總其成經始之明年泰承乏南浦講席侯復以襄助見委自維餽飭末學萬不敢窺著作之庭繼思是役體裁義例悉遵前志循轍蹈軌勢順於因復有侯總挈其宏綱諸君分理其列緒泰卽不自揣亦惟是掇拾豪芒補苴罅隙無所加損於全書遂亦不復固辭日與諸君晨夕孜孜參稽討論

鬼責人非之懼常凜然於心目間雖文辭之雅俗工拙情不自知而取舍之義利公私則早與同志者盟心夙夜矣厥事未蕪呂文起刺史來署邑篆忻獲就正批卻導窾匡益良多己亥冬編纂告成名曰續修但取辛未以來事詳列備載分類增補極知不免繁瑣之譏竊取甯過存無過廢之義聊以供後人之採摭備他日之遺忘而已若夫繁簡適中去取允協行遠傳後敬俟博雅大方之君子

續修浦城縣志

翁序

三

光緒二十六年庚子三月崇安翁昭泰序



成化己亥舊志序

明康莊

浦城屬古建安郡爲東南名邑其地居閩浙上游爲朱真二君子過化之鄉故其山川人物風俗景致戶口貢賦甲於他邑惜乎志之脫落者幾百餘年邑之後人茫然無所考証甚闕典也成化己亥建甯府貳守古曹李公文明以公務抵邑聞而憂之遂命掌教胡君昱纂修之復親爲之較正蓋李公爲曹之著姓厥父冢宰先生天下取正家有規範早以賢科發身每至治郡嚴毅方正廉明仁恕以興利除害爲已任故凡事有裨於治道者力倡之于時郡判荆門楊公

續修浦城縣志

舊序

一

瑩之繼至乃與縣尹劉君珩及諸同寅謀而贊之其書始成綱舉目張名存實著由是上而數百載之遠大而百五十里之廣其間山川之秀人物之盛風俗景致之美戶口貢賦之富可指掌而知矣嗚呼昔李文叔書洛陽名園記後謂園囿之興廢乃洛陽盛衰之候洛陽之盛衰乃天下治亂之候况邑志之作匪直名園之比豈不有關於政治之盛衰乎李公是作誠大有功於名教也書成將壽諸梓胡君既序其端越明年庚子予承教之來署學事庠生周俊詹禮輩暨邑人之尚義者林昌咸有博採勸助之勞復屬予

成化己亥舊志序

明胡昱

序之于故述其本末如此若夫觀覽是書有所興起以善爲勸以惡爲戒則在邑人知所自勉復何贅哉疇昔列國有史我朝郡縣各有志以紀山川之秀戶口貢賦之富人物藝文之美據古授今懲惡勸善蓋以昭世教振文風補治道咸賴於斯焉建甯府貳守古曹李公文明天官卿仲子也發迹賢科忠廉公正藉茲允剔蕪穢煦其枯槁甦其凋瘵由是郡境帖息嘗因公務戾止謂浦城居全閩上游號富盛繁華之地顧志之脫落者幾百餘年非史氏之闕典歟適予

續修浦城縣志

舊序

二

承教乏以文字爲職業遂命從事纂修休暇之餘親校正焉通守楊公秀邑令劉公珩復相與贊襄之庠生詹禮周俊又能擴撫遺聞採訪佚事因忘固陋擇其精粹醇雅者及其虛浮怪誕者必欲繁簡適宜去取攸當用底全書蓋卅三月始克成編既而李公復捐俸爲倡鳩工書梓以行四方而傳不朽是誠可謂達於政體者矣覽是書者立身居官取前修之成憲以爲儀法世教由之以興文風由之以盛治道由之以張則羣公所以勤勤用心者所係豈淺鮮哉至鈔錄之誤魯魚亥豕不能無也博學君子幸續筆正之

萬歷己酉舊志序

明 黎民範

古者小史掌邦國之志今之志郡邑者宗之信往徵來掌故具在此豈特列於稗官野史諸書哉浦邑肇自建安雖歷代沿革不一然東北通吳越西南爲閩中咽喉之區考亭西山二夫子流風餘韻猶有存者其地亦綦重矣地重則以審扼要畫野宜詳也以稽食貨物宜宜辨也以攷制度營建宜覈也以激勵人心風俗人物藝文宜參觀也余公餘偶暇旁搜載籍見邑乘肇修屆今百有餘年板籍已經烈燄索殘編斷簡於蠹魚之餘猶惜其不無駢枝也又不無挂漏

續修浦城縣志

舊序

三

也文獻無徵則修廢舉墜之謂何延見諸生僉曰修之便於是上其事于郡暨監司咸報可始聚族而謀重葺之顧簿書鞅掌獨任爲難欲走禮幣延四方之士覺借才於異地爲尤難於是不佞總其綱而以廣文諸文學理其目刪潤舊集釐爲十有六卷自首夏至仲秋剗剗用成凡道里遠近物產沃瘠櫟括靡遺卽戶口之登耗津梁之舉廢亦無不紀年紀月用資攷鏡雖不敢謂一邑之信史然百年來如綫之緒庶無隕越以貽當事羞至於筆削褒貶最爲人心風俗所繫尤惓惓焉等之人也或甲可而乙否等之甲乙

也或前是而後非采之公評叅之獨斷古義已核不難盡用舊章公議未同不嫌少俟論定蓋疑以傳疑宙闕文以存厚道誰毀誰譽有譽必試竊比孔門家法云爾集既成法誠昭若指掌其以道學忠孝節義著者非此鄉之先正乎畏墨尸祝擬於庚桑視汚青史爲子孫累者何如銅墨之長以身率民縉紳之賢以身率鄉詩曰示民不佻惟君子是則是效有望於今日之人心風俗矣

續修浦城縣志

舊序

四

順治庚寅舊志序

國朝 李葆貞

昔人稱浦地在東南嶠外名勝擅閩越余祇役於茲其民靜以慤儉而近古習之久益信治民者示儉示禮易俗移風不能外此別有所謂治權也古者輶車之使采風詩獻天子以知各國之俗詩亡春秋作故諸侯有史晉楚先焉皆私史耳獨尼父筆削魯史遂進爲經不啻惟是古者生子則閭史書之二十五家爲閭閻尙有史况一國乎秦罷侯置令今令古諸侯也疆理境內載筆特書志蓋史之屬也史臣珥筆必博采誌乘可循故武仍舊觀貽疎闕之誚哉惟是歷

續修浦城縣志

舊序

五

歲荒遠或其事介幽微無可徵信卽有所表著若破冢出古人恍惚不可追詰以是往躅堪傳者不幸忘其名又不幸失眞則後且益無可徵浦志疎闕且鄙陋可笑余始至浦卽妄意重輯顧方值鼎新之會夙夜皇皇三年中禦亂去其半籌軍需去其半忽忽無暇時居稍閒過學宮與龔先生華茂討諸廢置因草風土民情物宜以至前代名碩巨卿孝秀高蹈者流咨諏而考核之并延梅孝廉眉季及名諸生數人開館授糲日給筆札互相揚摧然邑以內無先達可諮求無藏書可搜采文獻兩不足徵未有如茲邑者

也無已攷舊志輿地食貨官師政教人物古蹟建置祥異詩文凡關風俗者稍爲詮次孝廉出架上之藏并從鄰壤借瓶參訂又僅僅宋儒殘藩未獲汎覽百家也雖然視舊志逕庭矣余近入啓事不能再加詳覈茲舊增新徵信一方以供珥筆之采請以俟後之君子

乾隆癸亥舊志序

國朝 李 藩

古者國有史邦有志家有乘下逮稗官野史亦得綜所聞見勒成一編以備輶軒之采此州邑之志所自昉也浦爲閩上游巖涯清駛風氣完塞眞氏西山流

續修浦城縣志

舊序

六

風餘韻尙有存者

國朝重熙累洽休養生息百年於茲一時人傑挺生物產滋阜其足以備典要而光紀載者固將不一書而足矣舊志修於前尹李公葆貞自順治庚寅以後闕焉不詳又其地當孔道蒞斯土者大率望塵戴星日疲役於簿領期會之間雖欲考按焉而不遑及也卽有事於搜緝矣又或遷次之不時典之者異首目舉且中輟更閱數十年後雖有好古博雅之士將欲補苴蒼萃抉剔幽隱以上究盛衰得失之故而故家耆舊之已盡家乘野史之無徵則亦終歸漸滅而已

余承乏此閭二載惴惴焉惟廢失之是懼適奉方伯張公修志之檄塵務少暇輒與邑紳士林汝猗祖汝淵諸君參互舊聞以証以核分門立部間寓損益義準諸舊事從其質蓋歷寒暑而書始成自是浦之志有丹雘矣夫志爲史屬周官外史掌邦國之志而後民物度數謠俗可登其有關於政治甚鉅然且綜覈失要夸陋滋譏言之無文行之不遠昔江文通令浦其治以風雅化俗嘗夢神授筆才思逾進後人遂以名山余俗吏也臺枯吻燥無江令之剩錦顧得官於前賢遊宦之鄉以授討古人之遺蹟丹崖碧澗有夙

續修浦城縣志

舊序

七

嗜焉因以攬人物之雍熙誌聲教之遠暨蟲穿蠹蝕竹策如新庶幾後之繼是邦者有所藉以攷也因不辭固陋輒疏其意如此

嘉慶辛未前志序

國朝汪志伊

嘉慶辛未春祖舫齋司寇以新修浦城縣志成寄示例目屬爲叙公暇披閱分三十類爲四十卷所以刪舊志之訛謬而補其闕畧者讀司寇與朱進士序文已可想見其蒐羅之博考核之精凡觀是書者皆能共知而無俟予之贅詞也然予率

命總制閩浙有察吏安民之責竊有不能已於言者今夫志乘之設所以章物采辨土宜叙人事垂典則資考鑒也其權操乎彰善癉惡之功而其事關於吏治民風爲重是以品有志則宰斯土者必先熟閱之

續修浦城縣志

舊序

八

非徒博搜典故要以備採擇也生是邦者亦必飭聞之非徒誇張形勢以佐談噱也良以前人之優絀既詳列其中則擇其善者而從之其不善者而改之官與民翕然同歸於善而後已志之功豈不鉅哉顧予嘗觀各省郡邑志於鄉評則表其長而不暴其短於官聲則隱其惡而特紀其美固存忠厚之意也而引鑒易偏則媿厲變化之功不能感人深而收效速昔呂叔簡司寇巡撫三晉時有言曰朝廷設官自公卿以至驛遞中外職銜不啻百矣而惟牧令民稱之曰父母父母云者生我養我者也故土地不均我爲均之

差糧不明我爲明之樹木不植我爲植之荒蕪不墾
我爲墾之逃亡不復我爲復之山林川澤果否有利
我爲興之訟獄不平我爲平之兇豪肆逞良善含冤
我爲除之狡詐百端愚樸受害我爲窮之嫖風賭博
愚弄痴勿我爲刑之寡婦孤兒族屬侮奪我爲鎮之
盜賊劫竊民生不安我爲弭之老幼殘疾鰥寡孤獨
我爲收之教化不行風俗不美我爲正之遠里無師
貧兒失學我爲教之倉儲不實民命所關我爲積之
獄中囚犯果否得所我爲恤之斛斗秤尺市鎮爲姦
我爲一之貧民交易稅課濫徵我爲省之衙門積蠹

續修浦城縣志

舊序

九

狼虎肉民我爲逐之吏書需索刁勒吾民我爲禁之
徵收無法起解困民我爲處之游手閒民蕩產廢業
我爲懲之異端邪教亂俗惑民我爲驅之庸醫亂行
民命枉死我爲訓之士風學政頹敗廢弛我爲興之
市豪集霸專利虐民我爲治之捏空造虛起禍誣人
我爲杜之聚眾黨惡主謀唆訟我爲殄之火甲負累
鄉夫播擾我爲安之某事久廢當舉我爲舉之某事
及時當修我爲修之民情所好如己之欲我爲聚之
民情所惡如己之讐我爲去之使四境之內無一事
不得其宜無一民不得其所深山窮谷之中無隱弗

達婦人孺子之情無微不照是謂知此州是謂知此
縣由呂公之言思之凡民間之惡俗苦情無不臚陳
詳悉有牧令之職者而能如此屬精圖治其卽古所
稱良吏者非耶否則吏治之衰莫甚焉予向宰靈石
刺霍州嘗奉此兢兢自勉并以之激勸鄉紳士及農
賈者流雖時著小效終以力薄才微尙多不能透洽
爲媿每冀有同心人宏此遠謨藉慰平生缺憾而卒
不得償其願也久矣今勸齋先生經濟文章爲七閩
冠敷歷中外渥契
宸衷其體用之兼備

續修浦城縣志

舊序

十

知遇之特隆較之呂司寇有過之無不及復因
告養歸里出其緒餘謀之貢令率同梁儀部朱進士
諸君子共成新志一書一矯舊志之簡陋以期徵信
而傳後洵不朽之盛業而予亦得藉是書以敬述呂
公之言於其間倘後之宰是邑者觸目警心身體而
力行之居是邦者借鑒取資父詔而兄勉之將鄉評
官聲蒸蒸日上有醇無疵不特壯山川之色抑亦續
增志書之光是不亦予之至願也夫

嘉慶辛未前志序

國朝張師誠

夫一方之掌故政治繁焉則纂輯其要哉然守令之

官簿書鞅掌徵文考獻率不暇及或乃走幣以延異方之士而風土名物匪所素習規制沿革傳聞異辭促期脫藁則舛漏滋焉有載記之名而弗適於用且貽來者之惑此大蔽也余持節閩中嘗欲蒐取郡邑圖志以爲宜民善俗之資而闕畧無徵者比比庚午冬入

觀道經浦城少司寇勛齋先生出新修縣志見示觀其義例條謹網羅浩博文實事核具有史裁取舊志而互勘之其所訂正增潤者奚翅什伯而已蓋比年司寇奉養里居與其鄉之文士商確編摩致精致慎

續修浦城縣志

舊序

十一

閱再寒暑而帙始成以視走幣異方促期脫藁者固宜迥乎別矣夫薦紳先生出爲法於國入卽以式其鄉使薰德善良者遍諸里黨然後俗可久安也今司寇居於籍而浦之志卽煥然更新則凡所爲敬恭桑梓型方訓俗之事必皆修舉罔陞而浦之民觀感興起亦有明驗焉宰斯邑者宜善爲之其事半功倍之時也夫

嘉慶辛未前志序

國朝 梁章鉅

嘉慶紀元十有四年祖侍郎師以侍養里居因與黃蘭臯邑侯議修浦城縣志屬邑人朱清如進士排纂

之時章鉅主是邑講席者三年矣侍郎師亦授以義例令勸勘焉章鉅末學渺識罔能爲役顧私慕是邦爲吾閩望邑在漢爲漢興在三國爲吳興在唐爲唐興在武周爲武寧彈丸之號頻與一代紀元相繫迄乎有宋聲明文物震耀中州前徽遺韻相承未沫而志乘漫漶文獻闕佚良用慨然嘗於訓課之暇鉤稽羣籍翫著南浦詩話若干卷竊謂是邦掌故八九在胸茲復獲襄盛舉遂得出我舊聞互相參證以勉副吾師延訪之盛心事增於前故文亦富於舊計彈四閱月之勤而授梓焉嘗聞韓五泉之朝邑志以高簡

續修浦城縣志

舊序

十二

勝者至嘉靖間王學謨已續爲八卷我朝王文簡公亟稱漢中府志載木牛流馬之法武功縣志載璇璣織錦圖此文士愛博之譚雖非古法亦可見踵事增華自昔如是矣昔太史公網羅散失舊聞劉子駿謂與其過而廢之無寧過而存之斯固載筆者所當知也吾師之旨亦猶是耳章鉅嘗以詩話就正吾師寵之以敘今忝與觀縣志之成遂亦不敢以不文辭因謹述吾師之志以貽觀者而仍歸其勞於黃邑侯朱進士也

嘉慶辛未前志序

國朝 黃 恂

歲辛酉余奉

簡發來閩道經浦城愛其山水之靈秀泊壬戌甲子間兩攝邑事卸篆之暇留連往蹟慨然想見江令之才藻與夫楊大年之文章吳冲卿之相業何正通之議論真西山之儒術流風餘韻髣髴遇之丹山碧水間壬戌之秋循次

題授三尹茲土適少司寇觴齋祖大前輩

請養在籍開披邑志病其叢雜軼漏諄諄以重修爲屬余稔知乾隆癸亥以前舊志之不無遺議也而又深懼乾隆癸亥以後文獻之日就無徵也碌碌簿書

續修浦城縣志

舊序

十三

無須臾間邑進士朱君清如夙嘗究心於是屬以編輯欣然從事取前朝兩志

本朝兩志與少司寇參互考訂佚者補之訛者正之疑者闕之本之史以尋其端稽之省郡各志以竟其委參之羣書以考其實採之輿論以求其當自沿革疆域山川城垣以及學校選舉人物藝文別其門類謹其義例條分件繫犁然秩然復與儀部長樂梁正鄰山長往復商榷務臻完善由是設局於西山祠中道理者有人校訂者有人分刊者有人踴躍襄事閱兩載而書成證鄰今古考鏡得失其詞曠其事核既

可備一方掌故而於民生之休戚地方之利病尤深切乎詳言之試覆取舊志對勘焉則知是編之足以信今傳後無疑也工將竣有祝徐氏者願捐磨崖獨修全城蓋城之被冲於水也於今十年矣利病所關休戚一體志之既修雖婦人女子皆嚮風慕義如此而況士大夫之希蹤前哲者乎詩曰高山仰止景行行止覽是編者又當知所嚮往矣

嘉慶辛未前志序

國朝祖之望

續修浦城縣志

舊序

十四

建安吳興令記邑中草木頌十五首渡泉嶠遊黃葉山詩赤虹去故鄉賦若干首其自序稱地在東南嶠外閩越之舊境放浪之餘頗著文章自娛在邑三載朱方竟敗焉則此三年中之感事而作者不知凡幾惜無圖若志以傳後按邑圖云晉尙書陸邁宋尙書郎江淹皆爲吳興令爲北宋樂史太平寰宇記所徵引是此圖在淹後究不知誰作然猶幸知淹之前尙有陸邁其人則此圖不爲無助也古者郡邑皆有圖與志相表裏若唐李吉甫元和郡縣圖志其圖今已失考所云古今言地理者尙數十家今亦無一流傳

余嘗見明王以旂所作鄖陽撫治圖將山川險易地
里遠近迂直及撫治題名悉登記於尺幅之內使天
下郡縣圖志而皆若此當事者將藉此爲宜民善俗
之本豈不偉與吾邑自唐天寶始易今名前明成化
間始有志事簡而言樸迨萬厯官書被焚三經修輯
因仍譌謬郡志亦然余竊憂之嘉慶乙丑冬

告養歸里謀之黃明府恬與梁儀部章鉅朱進士秉
鑑共成厥事總其門三十集爲四十卷雖無當於古
人修史之言以視前志之顯然背馳者庶幾免夫

嘉慶辛未前志序

國朝朱秉鑑

續修浦城縣志

舊序

十五

吾邑舊志自前明成化以後因陋就簡者三百餘年
歲已已少司寇觴齋先生奉養里居與蘭皋明府往
復相商謂志也者所以章志貞教也志無足觀教於
何成爰是先定義例次臚事宜開局增修鑑不敏濫
與編修之末再閱寒暑哀然成帙曰新修者以別乎
舊也其間

典謨沿革典禮三卷司寇手削稿標爲準式戶口田
賦等門凡取證官書者明府於公餘檢付胥鈔藉爲
依據選舉人物著述藝文則山長芷隣先生斟酌損
益往往匡所不逮至於模山範水選勝尋幽揚閭壺

之芳烈考寺觀之廢興在局諸君並有勞焉自維才
識拘迂見聞淺狹於是書無能爲役惟晨夕與三第
秉鉞矢公矢慎自具筆札嘔勉從事較之舊志雖不
敢以卷倍事詳妄謂該博然疊經諸先生討論修飾
視夫輕心簪筆憑臆畫諾者似稍有間博雅君子幸
更補其闕漏糾其譌誤俾是書永爲善本後此續修
者得所藉手或頗易爲力也歟

續修浦城縣志

舊序

十六